

Inatsisartut suleriaasianni § 37, imm. 1 naapertorlugu, matumuuna Naalackersuisunut imaattunik apeqquteqarpunga:

Naalackersuisunut apeqqutit:

1. Naalackersuisut ukiut kingullit tallimat ingerlaneranni Upernavimmut aammalu Upernavimmit Dash 8-inik timmisartuussinerit qanoq amerlassuseqartarsimanerat pillugu nassuiaateqarsinnaappat, ukiumut ataasiakkaanut aammalu aqqutitut immikkoortillugit?
2. Upernavimmut aammalu Upernavimmit timmisartuussinerit ikilinerannut suna pissutaava?
3. Dash 8-inik timmisartunik ingerlatsinermi pisinnaasatigut unammillernartut (ilanggullugit aserfallatsaaliuinerit, teknikkikkut ajornartorsiutit imaluunniit timmisartut atorineqartarnerisa aqqissuussaananerit) Avannaani timmisartuussinerit akulikinnerannut sunnuteqarsimanerat pillugu nassuiaasoqarsinnaava?
4. Naalackersuisut ukiuni kingullerni tallimani Upernavimmut aammalu Upernavimmit nunatsinni iluani timmisartumut billetit agguaqatigiissillugu akii pillugit nassuiaateqarsinnaappat?
5. Nunatsinni, pingaartumik Avannaani, timmisartukut angalanerni akit qaffakkiartornerannut suna pissutaasimava?
6. Naalackersuisut isumaqarpat akit aammalu timmisartuussinerit akulikinnerat Upernavimmi aammalu Avannaani innuttaasut naapertuuttumik angallanneqarsinnaanerannik aammalu nuna tamakkerlugu ataqatigiissutsimik qulakkeerinninersut?
7. Naalackersuisut eqqarsaatersuutigisimavaat kiffartuussinerimut isumaqatigiissutit imaluunniit taarsiissuteqartarnermut aqqissuussinerit nukittorsarneqarnissaat, Avannaani patajaatsumik ingerlatsisoqarnissaa aammalu akit naapertuunnerusut qulakkeerniarlugit?

(Inatsisartunut ilaasortaq Jens NapātôK', Naleraq)

Tunngavilersuutit:

Timmisartukut angallassineq Kalaallit Nunaanni inuiaqatigiinni pingaarutilimmik inissisimavoq aammalu nuna annertoq eqqarsaatigalugu innuttaasut akornanni ingerlaarsinnaanermut



tunngaviusumik pisariaqartitaalluni. Upernavimmi aammalu Avannaani innuttaasut eqqarsaatigalugit timmisartuussinerit peqqinnissaqarfimmut, ilinniartitaanermut, pisortat sullissinerannut, inuussutissarsiornermut aammalu ilaqtariinnermut attaveqarnissamut pisariaqarluinnartuupput.

Politikkikkut oqallinnermi naatsorsuutigineqarsimavoq timmisartuussinerit ineriartortinneqarnerat innuttaasut amerlanerusut angalanissamut periarfissanik aammalu akikinnerusunik billetinik kinguneqartitsissasoq. Kisianni Avannaani innuttaasut akornanni misilittagaavoq billettit akii qaffasinnerulersimasut aammalu timmisartuussinerit akulikinnerat patajaatsuunnginnerusoq.

Tamanna nunap immikkoortuini naligiissitaanerup aammalu nuna tamakkerlugu ataqatigiissutsip tunngaviusumik apeqquuserneqarnissaanut pissutissaqalersitsivoq. Avannaani innuttaasut nunap sinneranut naleqqiullugit angallanneqarnikkut atugassarititaasut naapertuunnerusut aammalu siumut naatsorsuutigineqarsinnaasut pisariaqartippaat.

Taamaattumik timmisartuussinerit amerlassusiisa aammalu billettit akiisa ineriartornerat kiisalu pisinnaasatigut, aaqqissuussaannikkut aammalu politikkikkut pissutaasut pillugit nassuiaateqartoqarnissaa kissaatigineqarpoq. Aamma Naalakkersuisut naliliinissaat kissaatigineqarpoq, ullumikkut kiffartuussinermi aammalu akinut tunngatillugu inissisimaneq nuna tamakkerlugu naligiimmik periarfissaqartitsinersoq aammalu innuttaasut akornanni naapertuuttumik ingerlaarsinnaanermik qulakkeerinninersoq, kiisalu Avannaani patajaatsumik ingerlatsisoqarnissaa aammalu akit naapertuunnerusut qulakkeerniarlugit suliniutinik aalajangersimasunik aallartitsinissamut Naalakkersuisut pissutissaqarnersut

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.